



Baldvini Cabilliavi E Soc. Iesv Magdalena

Cabilliau, Baudouin

Antwerpen, 1625

XXXV. Magdalena cor suum fugituum innectit Christi pedibus.

[urn:nbn:de:hbz:466:1-70461](#)

Partitò secat æquus vnciatim
 Bes , dodrans, & amans triens quadrantis,
 Et septunx socio comes deunc !
 Ut sic CHRISTVS , Amor meus, sit heres
 Ex asse ipse mihi, meoqué nardo ;
 Dum totum seco corpus artuatim
 Libræ in nardiferæ æquilibre pondus.

XXXV.

MAGDALEN A cor suum fugituum
 innectit CHRISTI pedibus.

C ERNE, leui pennâ cor emicat ales, & anceps
 Scindit iter : passis retia tende comis.
 Ni facis, actutum volucres vanescit in auras:
 Stare loco nescit mobilis ales Amor.
 Cinge torum, latâque comas indagine passim
 Sparge: fugit rapido cor pede; nec te moras.
 Quâ vagus exsul abit, vestigia quærit IESV;
 Hic sedet, hic vitæ mustea philtra sitit.
 Si sapis, ô felix ! tali iam docta Magistro,
 Quâ semel arte tenes, vsque prehende Deum.
 Prouida cor profugum strictis intexe capillis:
 Si nescis, Domini stat pede fida quies.
 Eia, comis laqueisque comantibus indue prædam;
 Et iusto spolio te tibi reddet Amor.
 Si coma captiuum cor ceu custode catenâ
 Detinet, ac CHRISTI iam pede stare iubet;
 An volet, aut poterit tam blandâ compede vincit
 Cor procul his plantis exsul inire fugam?